



სსიპ - აკაკი წერეთლის სახელმწიფო უნივერსიტეტი

ბ რ ძ ა ნ ე ბ ა

№ 01-04/21 13.03 წ. 2020.

ქვეყანაში კორონავირუსის შესაძლო გავრცელების თავიდან აცილების მიზნით პრევენციული ღონისძიებების გატარებასა და აწსუ-ში სასწავლო პროცესის შეუფერხებლად განხორციელებისათვის დამატებით ღონისძიებებთან დაკავშირებით რექტორის ბრძანებაში 01-04/20 11.03.2020 წ. ნაწილობრივი ცვლილებების შეტანის შესახებ, ვბრძანებ:

1. შევიდეს ნაწილობრივი ცვლილება რექტორის ბრძანებაში 01-04/20 11.03.2020 წ. ქვეყანაში კორონავირუსის შესაძლო გავრცელების თავიდან აცილების მიზნით პრევენციული ღონისძიებების გატარებასა და აწსუ-ში სასწავლო პროცესის შეუფერხებლად განხორციელებისათვის დამატებით ღონისძიებებთან დაკავშირებით
2. აკაკი წერეთლის სახელმწიფო უნივერსიტეტში სწავლა/სწავლების პროცესის უწყვეტობის უზრუნველყოფის განხორციელების მიზნით გამოყენებულ იქნას სწავლების ონლაინ, შერეული და ჰიბრიდული ფორმები, რაც 16.03. 2020-წლიდან 01.04.2020-წლამდე განხორციელდეს საპილოტე რეჟიმში;
3. დაევალოს ფაკულტეტის დეკანებს მაქსიმალურად გამოიყენონ უნივერსიტეტის განკარგულებაში არსებული შესაძლებლობები (როგორც ტექნიკური, ისე პროგრამული) ამ ბრძანების პირველი მუხლით განსაზღვრული სწავლების ფორმებით სწავლა/სწავლების პროცესის მიზანმიმართულად წარმართვისათვის;
4. აკაკი წერეთლის სახელმწიფო უნივერსიტეტის აკადემიური პერსონალი, რომელიც 2019-2020 სასწავლო წლის საგაზაფხულო სემესტრში ახორციელებს სწავლა-სწავლების



პროცესს, ჩაერთოს დისტანციური (ამ ბრძანების პირველი მუხლის მიხედვით) სწავლა/სწავლების პროცესში;

5. აწსუ-ში არსებულ სხვადასხვა ონლაინ პლატფორმაზე (Microsoft teams, moodle) სწავლა/სწავლების პროცესის განხორციელების მიზნით, ფაკულტეტის დეკანებმა მოამზადონ ინფორმაციები (სტუდენტთა სახელი, გვარი და კოორპორაციული ფოსტების მისამართები) აკადემიური ჯგუფების მიხედვით, ზემოთაღნიშნულ პროცესში ჩართულ პირებზე მიწოდების მიზნით და გამოყონ პასუხისმგებელი პირი ამ ბრძანებით გათვალისწინებული ქმედებების ორგანიზაციული მხარდაჭერის მიზნით;

6. დაევალოს აწსუ მულტიმედიურ ლაბორატორიას და ინფორმაციული ტექნოლოგიების უზრუნველყოფის სამსახურს მოახდინონ ზემოაღნიშნულთან დაკავშირებული საინფორმაციო ვიდეო რგოლების მომზადება და ვებ-გვერდზე განთავსება, შესაბამისი პერსონალის გადამზადება და პროცესის ტექნიკური მხარდაჭერა;

7. ფაკულტეტების ადმინისტრაციების წარდგინებით, გამოიყოს სივრცეები, ფაკულტეტების მიხედვით, საჭიროების შემთხვევაში, თანამშრომლების გადამზადებისა და ონ-ლაინ ლექციების, სემინარების და პრაქტიკული მეცადინეობების ჩატარებისა და/ან ვიდეოლექციების ჩაწერის მიზნით;

8. მიეცეთ რეკომენდაცია ფაკულტეტებს, რომ საპილოტე რეჟიმში ონ-ლაინ ლექციების ჩატარება განახორციელონ არსებული დამტკიცებული სასწავლო ცხრილების დაცვით, ხოლო საჭიროების შემთხვევაში, მოხდეს ინდივიდუალური დროებითი ცხრილების ფორმირება, სასწავლო პროცესის მართვის სამსახურთან შეთანხმებით;

9. მიზნაშეწონილად ჩაითვალოს ვიდეოლექციების განთავსება აწსუ ონ-ლაინ სივრცეში, რათა სტუდენტებს მიეცეთ შესაძლებლობა მათი ნახვისა, ნებისმიერ დროს;

10. ჩატარებული ონ-ლაინ და ვიდეო-ლექციების ხარისხის მონიტორინგი განახორციელოს ხარისხის უზრუნველყოფის სამსახურმა, ხოლო პროცესის მიმდინარეობის კონტროლი - სასწავლო პროცესის მართვის სამსახურმა;

11. ონ-ლაინ რეჟიმში ჩატარებული ლექციების ჩატარების შესახებ ინფორმაცია(მათ შორის სტუდენტთა დასწრების სტატისტიკა) ინფორმაციული ტექნოლოგიების უზრუნველყოფის სამსახურმა, ყოველკვირეულ რეჟიმში, მიაწოდოს სასწავლო პროცესის მართვის სამსახურს;

12. წინამდებარე ბრძანების მოქმედება გავრცელდეს იმ პროგრამებსა და სასწავლო კურსებზე, რომლებიც, თავისი შინაარსითა და სპეციფიკით, არ მოითხოვს აკადემიურ პერსონალსა და სტუდენტებს შორის უშუალო კომუნიკაციას;

13. წინამდებარე ბრძანების მე-12 მუხლით არ გათვალისწინებული პროგრამებისა და სასწავლო კურსებისათვის შედგეს ინდივიდუალური სასწავლო ცხრილები, სასწავლო პროცესის მართვის სამსახურთან შეთანხმებით;

